



БҰЙРЫҚ

2023 ж 8 қараша
Нұр-Сұлтан қаласы

ПРИКАЗ

№ 333
город Нур-Султан

Тестілеу жүргізудің кейбір мәселелері туралы

Қазақстан Республикасы Білім және ғылым министрінің 2012 жылғы 21 ақпандағы № 57 бұйрығымен бекітілген Мемлекеттік білім беру ұйымдарының бірінші басшылары мен педагогтерін лауазымға тағайындау, лауазымнан босату қағидаларына (Нормативтік құқықтық актілерді мемлекеттік тіркеу тізілімінде № 7495 болып тіркелген) және 2016 жылғы 27 қаңтардағы № 83 бұйрығымен бекітілген Педагогтерді аттестаттаудан өткізу қағидалары мен шарттарына сәйкес (бұдан әрі – №83 бұйрық) (Нормативтік құқықтық актілерді мемлекеттік тіркеу тізілімінде № 13317 болып тіркелді) **БҰЙЫРАМЫН:**

1. Техникалық және кәсіптік, жоғары және (немесе) жоғары оқу орнынан кейінгі білімі бар, тәжірибесі жоқ кандидаттар (бұдан әрі – кандидат), педагогикалық қызметті қайта бастағысы келетін адамдар үшін педагогтердің білімін бағалау (бұдан әрі – тестілеу) мерзімі 2023 жылғы 13 қарашадан 17 қарашаға дейін белгіленсін.

2. Қазақстан Республикасы Ғылым және жоғары білім министрінің «Ұлттық тестілеу орталығы» республикалық мемлекеттік қазыналық кәсіпорны (бұдан әрі – Ұлттық тестілеу орталығы) «U-FUTURE» жауапкершілігі шектеулі серіктестігімен (бұдан әрі - «U-FUTURE» ЖШС) («Өңірлік тестілеу орталығы және педагогикалық құзыреттілік» жобасы бойынша мемлекеттік-жекешелік әріптестіктің 2019 жылғы 16 қазандағы № 2 шарттың негізінде) бірлесіп тестілеуді жүргізу рәсімін ұйымдастырсын.

3. Мыналар:

- 1) осы бұйрыққа 1-қосымшаға сәйкес тестілеуді өткізу пункттерінің тізімі;
- 2) осы бұйрыққа 2, 3 және 4-қосымшаларға сәйкес Апелляцияларды қарау жөніндегі республикалық комиссия құрамы;
- 3) осы бұйрыққа 5-қосымшаға сәйкес тестілеуді өткізу үшін тестілеу әкімшілері мен бақылаушылардың тізімі бекітілсін.

4. Қазақстан Республикасы Оқу-ағарту министрлігінің Цифрландыру және мемлекеттік қызметтерді автоматтандыру департаменті (А. А. Тиштыбаев):

1) тестілеу өткізу кезінде тестілеу жүйесінің жарамдылығы мен тестілеу жүйесін алдын ала тексеру жұмыстарына жауаптыларды тағайындасын;

2) тестілеу жүйесінің әлсіздігін және жүйенің жұмысына араласу мүмкіндігін тексеруді қамтамасыз етсін.

5. Ұлттық тестілеу орталығы (Р.Т. Емелбаев) (келісім бойынша):

1) тест тапсырмаларының базасын және тестілеуді өткізу бойынша нұсқаулықты әзірлесін;

2) тестілеуден өту қағидаларының сақталуын қамтамасыз етсін;

3) 2023 жылғы 8 қарашаға дейін кандидаттардың өтініштерін тіркеу үшін бағдарламалық жасақтаманы әзірлесін (техникалық және кәсіптік, жоғары және (немесе) жоғары оқу орнынан кейінгі білімі бар, тәжірибесі жоқ кандидаттарға, педагогикалық қызметті қайта бастағысы келетін адамдарға);

4) 2023 жылғы 8 қарашадан бастап 10 қарашаға дейін тестілеуге қатысу үшін онлайн-режимде өтініштерді қабылдауды ұйымдастырсын (техникалық және кәсіптік, жоғары және (немесе) жоғары оқу орнынан кейінгі білімі бар, тәжірибесі жоқ кандидаттарға, педагогикалық қызметті қайта бастағысы келетін адамдарға);

5) өтініштерді қабылдаудың барысы туралы күнделікті статистиканы Қазақстан Республикасы Оқу-ағарту министрлігінің Орта білім беру комитетіне (бұдан әрі – ОБК), Қазақстан Республикасы Оқу-ағарту министрлігінің Техникалық және кәсіптік білім департаментіне (бұдан әрі – ТКБД), Қазақстан Республикасы Оқу-ағарту министрлігінің Мектепке дейінгі білім беру департаментіне (бұдан әрі – МБД) ұсынсын;

6) тестілеуді өткізуді ұйымдастыру және сүйемелдеу, сондай-ақ апелляциялық рәсімдерді жүргізу, нәтижелерді өңдеу және беру үшін бағдарламалық жасақтаманы әзірлесін;

7) тестілеу процесін бақылау және шешімдерді жедел қабылдау мақсатында ұйымдастырылған Ұлттық тестілеу орталығы жанындағы ахуалдық орталықтың жұмысын қамтамасыз етсін;

8) тестілеу нәтижелері бойынша қорытынды есеп пен статистикалық деректерді (апелляцияны ескере отырып) ОБК-ге, ТКБД-не, МБД-не (Апелляцияларды қарау жөніндегі республикалық комиссияның жұмысы аяқталғаннан кейін 10 жұмыс күнінен кешіктірмей) ұсынсын;

9) бағдарламалық жасақтамаға тестілеу өткізу кезінде кандидаттардың қағидаларды бұзғаны және олардың дербес жауапкершілігі үшін келісімді енгізуді қамтамасыз етсін;

10) 2023 жылғы 20 қараша мен 24 қараша аралығында Апелляцияларды қарау жөніндегі республикалық комиссияның жұмысын ұйымдастырсын;

11) қарау және шешім қабылдау үшін тестілеу аяқталғаннан кейін апелляцияға өтініштерді қабылдауды ұйымдастырсын;

12) Апелляцияларды қарау жөніндегі республикалық комиссияның жұмысы аяқталғаннан кейін (10 жұмыс күнінен кешіктірмей) жұмыс нәтижелерін ОБК-ге, ТКБД-не, МБД-не ұсынсын.

6. Тестілеу нәтижесі тест тапсырған күннен бастап бір жылға жарамды болып есептелсін.

7. Қазақстан Республикасы Оқу-ағарту министрлігінің Білім саласында сапаны қамтамасыз ету комитеті (Дәуенов Е.Н.):

1) тестілеудің өтуін бақылауды;

2) кандидаттар тестілеуді тапсыруды бастаған және тапсырған кезде білім саласындағы сапаны қамтамасыз ету жөніндегі аумақтық департаменттері өкілдерінің қатысуын;

3) № 83 бұйрықтың 96, 97-тармақтарының орындалуын қамтамасыз етуді;

4) тестілеуді өткізу кезінде бейнебақылау камералары істен шыққан жағдайда осы бұйрықтың 5-қосымшасына сәйкес тестілеу әкімшілері мен бақылаушыларының тестілеуге қатысатын кандидаттар отырған аудиторияға кіруін қамтамасыз етсін.

8. «U-FUTURE» ЖШС (М.К. Динбаев) (келісім бойынша):

1) Ұлттық тестілеу орталығы өкілдерінің тестілеуді өткізу процесінің бейнежазбасына қолжеткізуін;

2) компьютерлер мен интернет байланысының үздіксіз және сапалы жұмысын;

3) әрбір компьютерде алдыңғы web-камераның болуын;

4) ұялы байланыс сигналдарын басатын құрылғылардың, бейнебақылау камераларының, металл іздегіштермен және бет-әлпетті тану жүйесінің болуын (тестілеуді өткізу кезінде);

5) тестілеу процесінің бейнежазбасын;

6) тестілеу процесі өткізілетін аумақтарда (кіреберіс, тестілеу залдары) орнатылған камералардағы бейнебақылау жазбаларының сапасын жоғалтпай сақталуын;

7) бір жыл бойы өңірлік тестілеу орталықтарының тестілеуді өткізу пункттеріндегі бейнежазбалардың күн сайын берілуін (көшіру) және деректердің сақталу жүйесін;

8) тестілеуді өткізу уақытында ақпараттық қауіпсіздікті;

9) тестілеуді өткізу қағидаларының сақталуын;

10) осы бұйрыққа 5-қосымшада бекітілген тізімге сәйкес тестілеуді өткізу пункттеріне өңірлік тестілеу орталықтарының қызметкерлері арасынан әкімшілерді тағайындауды және жіберуді;

11) тестілеуді өткізу пункттерінде техникалық құралдардың үздіксіз жұмыс істеуіне бақылау жасайтын қызметкерлердің болуын;

12) электр энергиясы сөніп қалған жағдайда тестілеуді жалғастыру және аяқтау үшін компьютерлердің үздіксіз жұмыс істеуі үшін қуаттылығы жеткілікті генераторлардың болуын;

13) тестілеу кезінде бөгде адамдардың кіруін алдын алу үшін бет-әлпетті тану жүйесімен (Face ID планшеті);

14) тестілеуді өткізу пункттерінде өңірлік тестілеу орталықтары объектілерінің санитариялық-гигиеналық нормаларына сәйкестігін;

15) өңірлерде орналасқан тестілеу өткізу пункттерінде тестілеуден өтетін адамдардың өмірі мен денсаулығын сақтау үшін жағдай жасауды;

16) отырғызу кезінде кандидаттар арасында кемінде 2 метр қашықтықтың сақталуын;

17) «Халықтың санитариялық-эпидемиологиялық саламаттылығы саласындағы есепке алу мен есеп құжаттамасының нысандарын бекіту туралы» Қазақстан Республикасы Денсаулық сақтау министрінің 2021 жылғы 20 тамыздағы № ҚР ДСМ-84 бұйрығына сәйкес мобильді және радиоэлектрондық байланыс сигналдарын басу құрылғыларын пайдалануды, сондай-ақ электромагниттік өрісті өлшеу хаттамасын алуды;

18) әрбір қабатта тестілеу жүргізу үшін дәліздерде, аудиторияларда санитайзерлер орнатуды;

19) ылғалды тазалауды үнемі жүргізуді;

20) кварцтау, аудиторияларды желдету режимін, санитариялық-дезинфекциялау режимін сақтауды;

21) тестілеу басталғанға дейін құқық қорғау органдарының өкілдерімен бірлесіп ғимараттың терроризмге қарсы қорғалуын тексеруді;

22) мобильді және стационарлық интернеттің үзіліссіз жұмысын;

23) тестілеу кезінде медицина қызметкерлерінің кезекшілігін қамтамасыз етсін.

9. Тестілеудің ақпараттық жүйесінің жұмысын бақылау Қазақстан Республикасының оқу-ағарту вице-министріне (А.Б. Илиясов) жүктелсін.

10. Осы бұйрықтың орындалуын бақылау Қазақстан Республикасының бірінші оқу-ағарту вице-министріне (Н.В. Жумадиляева) жүктелсін.

11. Осы бұйрық қол қойылған күнінен бастап күшіне енеді.

Қазақстан Республикасының
Оқу-ағарту министрі




Т. Бейсембаев